

宋诗纪事

宋詩紀事

宋詩紀事卷七十

錢唐厲鶚緝

歙錢唐吳震生注臺勘定

謝耘

耘字耕道天台人

送石深之歸沃洲

嬾踏紅塵地結廬巖壑閒
酒催清夜別身伴白雲還
賀老湖邊月支公屋外山
沃洲吟不盡天與老翁閑

東邨志畧

句

路深容馬窄樓小插花多

貴耳集謝耕道自號謝一犁有犁春圖諸公喜于納交善滑稽三十年閒天下詩人未有不至其室詩軸不知幾牛腰巾高二尺餘方口大面行于

市孰不曰謝一犁因是名滿京洛壁閒寫詩中有一聯云云事繼母極孝
母九十七八該慶典初封人榮之

吳浚

浚字允文盱江人有集

重過瑞金江

水瘦灘聲健天寒霜意新犬牙舟過石魚貫路行人到眼
心應識回頭跡易陳時平刀劒息失喜問遺民

客中

斷雁嘯雲天雨霜客中何事不淒涼玉梅約住東風信更
讓黃花半月香

春日

畫堂簾箔碧籠蔥午夢模糊燕語中微雨嫩晴天似醉鬧

紅吹上海棠風

以上吳允文集

張 濡

濡號松窗

遊大滌山

危樓拱翠出層空
畫棟朱闌縹緲中
客散月明風露下
一
匳天棘伴絲桐

洞霄詩集

韓 準

準號鶴山

九月梨花

粉膩迷春月滿枝
誤隨秋日弄芳菲
料應潛作春宵夢
剛
被西風不放歸

詩林萬選

陳叔堅

叔堅字堅甫號遜齋

送素上人遊方

不是無衣鉢師心酷愛山
自言行腳好卻厭住菴閑
野水寒林外孤雲夕照閒
清遊何處寺須寄好碑還

詩家鼎鑪

葉善夫

芹溪小隱

在建陽

芹溪處士古人風寶劒塵埋未化龍
舊隱至今名不朽扁題原出紫陽翁

建寧府志

仇從簡

從簡號芋田

句

雪翻夜鉢裁成玉春化寒酥剪作金

詠酥黃芋

山家清供

周彥夫

天津橋二首

下車聊復問何如尚憶重來四紀餘
鐘阜秦淮俱好在祇憐雙鬢自蕭疎

聯鑣去作蔣山遊路轉天津遶御溝
忽作故都禾黍恨洛陽宮殿鎖千秋

景定建康志

黃文度

西窗文度號小園

白藕

白藕花前一信風
颯然吹雨到梧桐
可憐一段淒涼意
併

入西窗客夢中

詩林萬選

劉清軒

句

可笑吳癡忘越憾
卻誇范蠡作三高

陳郁語腴嘗見有人彈范蠡文云吳江三高卽越之范蠡晉張季鷹唐陸魯望也范蠡越則謀臣吳爲敵國假扁舟五湖之名居笠澤三高之首況當無邊勝地之上著此不共戴天之讐其視菰菜蓴羹敝屣名爵筆牀茶竈短棹江湖者豈容與之並駕臨風聯鑣釣雪耶劉清軒云云見譏固已深矣

薛琦

琦鄞人王春山

酒館詩金

結韻黃華

山寒書

題荆浩畫青山白雲卷

渺渺山上山隱隱樹邊樹雞犬不聞聲居人在何處

角上者舊集

李 櫟

櫟號碧山

有約

楊柳垂隄水遶門可人清景近黃昏明朝有約誰先到手

掐花梢記月痕

詩林萬選

王 輝

輝古汴人

楊柳枝

密密陰陰漢將營春風吹斷鼓聲少年不說封侯事柘

彈銅丸落曉鶯

詩家鼎鑪

史繩祖

繩祖字慶長曾遊魏鶴山之門著學齋佔畢

紅莧

易稱紅莧美柔英夫決窮陰日旅辰不以色紅爲貴尚何

因赤莧有仙人

圖經明州赤莧山土傳赤莧仙人所種 學齋佔畢

周伯仁

伯仁字及之南昌人

句

照天不夜梨花月落地無聲柳絮風
春雪 桃源手聽

易寓言

杜鵑花

輕翦梢頭薄薄羅子規湔血恨難磨園林莫道香飛盡嫩
綠枝頭不用多

全芳備祖

曾蘭墅

西湖夜景

閑窗放入四山青古篆無烟氣自清風不鳴條花著露一
湖春月萬蛙聲

咸淳臨安志

李軾

畫楊妃扇

頗憶前身是謫仙硯煩親捧玉堂前如今再閱嬋娟面不
覺人間五百年

翰墨大全

王公燁

梅花

枯霜翦盡千林葉，纔放江頭第一春。
瘦影看來天愛畫，孤根生處地無塵。
夜郎歲晚逢羈客，谷口寒雲見似人。
絕是精神吟不盡，好枝和月插紗巾。

後村千家詩

葉豈潛

豈潛字潛仲，金華人，佐廣西漕幕。

蟬

柳邊曉立看蟲蛻，化作風餐露宿身。
林靜晝長吟不絕，騷清苦似詩人。

鰕魚

漁翁今度筭富政，是桃花水膩時。
網得文鱗如墨錦，貫

來楊柳是金絲

以上後村千家詩

黃登

登字瀛父號南溪有適意集

山中曉行

上到山巔曉色分
眼看殘月待朝昕
望迷四顧渾如海
立欲移時祇是雲
隱隱樓臺平地見
行行鐘磬半天聞
舉頭頓覺青霄近
我欲乘風謁帝君

後村千家詩

黃師參

師參字子魯號魯菴

過廬陵

昔年棲迹處
今訪不知門
華屋半塵土
故人餘子孫
少畱

誰共語欲去轉銷魂落日江樓遠江山空復存

李鹹谷歌

李鹹谷真詩人無枝可棲雲水身去年縣官爲架屋纔有
數枝堪寄宿朝廚無烟吟正高癡兒叫怒吟轉豪人閒六
月盡締服獨著春衫涼自足黃雞白酒東家畱西家欲畱
還住休鑿池養魚未盈掌有客過門須舉網網收魚盡鏡
匳空菜羹作供尤春風谷之山窈復深誰其友之紫芝民
谷之水清且泚誰其似之巢父耳再拜號君鹹谷子白頭
結交從此始

以上詩家鼎鑪

潘 亥

亥字幼明號秋巖檉子

寄趙紫芝

長安獨跨驢一別二年餘朝士不能薦承明空有廬窗虛
桐影薄權冷桂花初莫怪無書札心親迹任疎

前賢小集拾遺

社日

聽得東風急吹乾小徑泥雨多花放早水滿燕飛低貧女
不知緯幽人只此棲依依懷去歲摘茗白壇西

東甌詩集

葉山茵

茵字景文笠澤人有順適堂吟橐

偶成

春來晴復陰因物悟浮生杜宇鄉心重楊花世事輕知非
蘧伯玉覺是晉淵明此意誰人會騎牛訪耦耕

蘇隄

南北山圍翡翠隄，隄邊綠漲輭琉璃。
參差臺榭無餘地，雜遝輪蹄了四時。
楊柳又多前日樹，梅花祇少近人詩。
停篙不看春風面，閑伴漁翁理釣絲。

山行

青山不識我，姓字我亦不識青山。
名飛來白鳥，似相識對我對山三兩聲。

室人墓下

楚愴埋香地，卿須念橐砧。
齊眉中道訣，同穴百年心。
刀尺凝餘澤，松梧帶老陰。
可能如饁婦，相對白頭吟。

有所思

仰天有所思心遠目苦短西風驅殘雲千里月華滿

元夕

夢想傳柑宴村醪可試沾漫酬元夕爾不復去年吾舊事
思清汴幽情卜紫姑六分春已一秉燭步通衢

香陰體

千里相思兩寂寥東陽應減舊時腰書中喜有歸來字攜

傍紅窗把筆描

以上順適堂吟稿

潘鄭臺

一作鄭臺

詠梔子花

未說司花刻玉工已知名與佛相同可憐結了薰風子依

舊身歸色界中

全芳備祖